

Duovēna mamalē

Mirktiuo nu rīta rausvas akelēs.
Varnas padongiu debesis gana.
Saujuo mažuojuo – ougelēs kelēs.
Kon rēk darītē? Dar neēšmana.

Kartēs velniokā – buočius tēp sāka.
Anas, kāp pašal, gal smuokavuotē.
Ēš tū, kor bierē viesols ont taka,
Rēks karuolelios sobudavuotē.

Apvalē, dailē, vertē ont siūla.
Dédēlē tonkē lašā sogolē.
Vēins prīšas kēta strainoma siūla –
Saulie džiovinso, patēisosi drobolē.

Tumet pastrajīso kakla mamalēs.
Kumet ēs rītmeti onkstei i pruocius.
Napristuos tousīk pēktuosēs galēs,
Sauguos karuolē mamalē, paluocius.